

საქართველოს ეროვნული უშიშროების საბჭოს აპარატი



საქართველოს ეროვნული უშიშროების საბჭოს აპარატის ბალანსზე რიცხული
ავტომატების შეკეთებისა და ტექნიკური მომსახურების გამარტივებული
ელექტრონული ტენდერის საშუალებით შესყიდვის
(CPV-50112000)

სატენდერო დოკუმენტაცია

ქ. თბილისი - 2016 წელი

სარჩევი

1. ტექნიკური მოთხოვნები	3
2. ტექნიკური დავალება.....	5
3. რეკვიზიტები (დანართი №2).....	7
4. სახელმწიფო შესყიდვის შესახებ ხელშეკრულების პროექტი.....	8

1. ტექნიკური მოთხოვნები:

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) პრეისკურანტი დანართი №1-ის შესაბამისად (Excel-ის ფორმატის დოკუმენტის სახით);
- ბ) რეკვიზიტები დანართი №2-ის შესაბამისად;
- გ) ინფორმაცია პრეტენდენტის ქსელში არსებული სერვისცენტრ(ებ)ის შესახებ (შესაბამისი მისამართის მითითებით, წარმოსადგენია ასევე საკუთრების/სარგებლობის დამადასტურებელი დოკუმენტი);
- დ) პრეტენდენტს უნდა გააჩნდეს ანალოგიური მომსახურების არანაკლებ 5 წლიანი გამოცდილება (წარმომადგენლობაზე უფლებამოსილი პირი წერილობით ადასტურებს ამ ინფორმაციას და თან ურთავს 2012-2013-2014-2015-2016 წლებში, თითოეული წლის მიხედვით მისი კონტრაქტორი ხუთი სხვადასხვა საბიუჯეტო ორგანიზაციის შესახებ ინფორმაციას);
- ე) კორპორატიული მენეჯერის საკონტაქტო ინფორმაცია;
- ვ) ბრუნვის უწყისი, ან ამონაწერი საბანკო დაწესებულებიდან რომელთა მეშვეობითაც დადასტურდება, რომ 2014 წლის 1 დეკემბრიდან, 2016 წლის 1 დეკემბრამდე პერიოდში პრეტენდენტის ფულადი სახსრების ბრუნვა, თითოეული წლის მიხედვით შეადგენს არანაკლებ 200000 (ორასი ათასი) ლარს.
- ზ) „შერჩევა-შეფასების“ ეტაპზე პრეტენდენტმა უნდა უზრუნველყოს, საქართველოს ეროვნული უშიშროების საბჭოს აპარატის წარმომადგენლების წვდომა მის სერვისცენტრ(ებ)ზე, რათა შეფასებული იქნას მათი შესაბამისობა სატენდერო დოკუმენტაციასთან.

შენიშვნა: სავალდებულოა სისტემაში ატვირთული ნებისმიერი დოკუმენტი ხელმოწერილი და ბეჭედდასმული (ბეჭდის არსებობის შემთხვევაში) იყოს პრეტენდენტის შესაბამისად უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.2 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“-„ვ“ ქვეპუნქტებში და ტექნიკურ დავალებებში მოცემულ პირობებზე:

- ა) ანგარიშსწორება მიმწოდებელთან განხორციელდება ეტაპობრივად, ფაქტიურად გაწეული მომსახურების შესაბამისად, შესაბამისი ფინანსური დოკუმენტაციის წარმოდგენიდან და მიღება-ჩაბარების აქტის ხელმოწერიდან არაუგვიანეს 10 (ათი) სამუშაო დღის ვადაში.
- ბ) წინასწარი გადახდის მექანიზმი არ გამოიყენება;
- გ) სატენდერო წინადადება უნდა მოქმედებდეს მისი სისტემაში ატვირთვის დღიდან „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ ეტაპების დადგომამდე;
- დ) სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და საქართველოს კანონმდებლობით დაწესებული გადასახადის გათვალისწინებით;
- ე) პრეტენდენტს არა აქვს უფლება წარმოადგინოს ალტერნატიული წინადადება;
- ვ) „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის 21 პუნქტის საფუძველზე იმ შემთხვევაში, თუ ტენდერში ყველაზე დაბალი პრეისკურანტის ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია სატენდერო დოკუმენტაციით განსაზღვრული პრეისკურანტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე, 3 (სამი) სამუშაო დღის ვადაში უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი

დოკუმენტაცია. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშგაქტურით (ინვოისით), ასევე სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2. ტექნიკური დავალება

2.1 მიმწოდებელმა უნდა უზრუნველყოს საქართველოს ეროვნული უშიშროების საბჭოს აპარატის ბალანსზე რიცხული ცხრილში მითითებული ავტომანქანების შეკეთებისა და ტექნიკური მომსახურების (პრეისკურანტის გათვალისწინებით) გაწევა ეტაპობრივად, შემსყიდველის მოთხოვნის შესაბამისად, ხელშეკრულების ძალაში შესვლიდან 2017 წლის 31 დეკემბრის ჩათვლით.

№	ავტომანქანის დასახელება	სახელმწიფო ნომერი	სატრანსპორტო საშუალების საიდენტიფიკაციო ნომერი	გამოშვების წელი
1.	LEXUS LX 470 (ავტომატიკა)	MM-747-QQ	JTJHT00W854003255	2005
2.	VOLKSWAGEN PASSAT 1.8 (ავტომატიკა)	ZTZ-110	WVWZZZ3CZAE543298	2010
3.	HYUNDAI SONATA 2.4 (ავტომატიკა)	CCZ-811	KMHEC41CBBA202289	2010
4.	TOYOTA LANDCRUISER PRADO 3.0 TURBODIESEL (ავტომატიკა)	TBS-848	JTEBY25J200057083	2007

2.2 მიმწოდებელს საკუთრებაში/სარგებლობაში უნდა გააჩნდეს მინიმუმ ერთი მოქმედი სერვისცენტრი ქ. თბილისში.

2.3 მიმწოდებელმა შემსყიდველის მოთხოვნისთანავე უნდა ჩაატაროს შესაკეთებელი ავტომანქანის დათვალიერება, რის შემდგომაც, მხარეები ადგენენ დეფექტურ აქტს, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მათი ღირებულებები. მომსახურება გაწეული უნდა იქნას დაუყოვნებლივ, ხოლო ძრავის, სიჩქარეთა კოლოფის და დეფიციტური სათადარიგო ნაწილების დაზიანების შემთხვევაში, მომსახურების დასრულების ვადა არ უნდა აღემატებოდეს 20 (ოცი) დღეს.

2.4 ავტომანქანის დაზიანებული ნაწილი მიმწოდებელის მიერ უნდა შეიცვალოს ახალი ან შემსყიდველთან შეთანხმების შემთხვევაში მეორადი სათადარიგო ნაწილით. შეცვლილ ან და შეკეთებულ სათადარიგო ნაწილებზე გარანტია უნდა ვრცელდებოდეს შემდგომად:

2.4.1 სწრაფად ცვეთად დეტალებზე, კერძოდ: გახურების ნათურებზე, ანთების სანთლებზე, გახურების სანთლებზე, დამცველებზე, გადამბმულობის ამყოლზე და მიმყოლ რგოლებზე (ფრიქციონები), მინის მრეცხავებზე, ანთების საკონტაქტო ერთეულებზე, მტვერდამცავებზე (პილნიკები), კონდიციონერის და ჰაერის ფილტრებზე გარანტია უნდა ვრცელდებოდეს არანაკლებ 2 (ორი) თვის განმავლობაში.

2.4.2 ზეთზე, სამუხრუჭე ხუნდებზე, ზეთის და საწვავის ფილტრებზე გარანტია უნდა ვრცელდებოდეს მომსახურების განხორციელებიდან ავტომანქანის მიერ არანაკლებ 7000 (შვიდიასი) კილომეტრის გარბენისა.

2.4.3 2.4.1 და 2.4.2 ქვეპუნქტებში მითითებული სათადარიგო ნაწილების და საცხებ-საპოხი მასალების გარდა სხვა დანარჩენ შეცვლილ ან/და შეკეთებულ სათადარიგო ნაწილებზე გარანტია უნდა ვრცელდებოდეს არანაკლებ 8 (რვა) თვის განმავლობაში.

2.5 საგარანტიო პერიოდის განმავლობაში გამოვლენილ ხარვეზებს მიმწოდებელი აღმოფხვრის დამატებითი ანაზღაურების გარეშე.

2.6 მიმწოდებლის ქსელში არსებული სერვისცენტრ(ებ)ი დაკომპლექტებული უნდა იყოს გამოცდილი სპეციალისტებითა და აღჭურვილი უნდა იყოს თანამედროვე აპარატურითა და დანადგარებით (გამონაბოლქვის გამწოვები, დიაგნოსტიკის აპარატი, ზეთის შემცვლელელი ბალონი, განშლადობის გასასწორებელი დანადგარი, ვულკანიზაციის დანადგარი და სხვა). სერვისცენტრ(ებ)ში მაღალ დონეზე უნდა იქნას დაცული ჰიგიენური ნორმები.

2.7 პრეტენდენტს უნდა გააჩნდეს გამართული სასაწყობო მეურნეობა, რაც გულისხმობს პრეისკურანტით გათვალისწინებული ავტომანქანებისთვის მომსახურების შეუფერხებლად გასაწევად საჭირო სახარჯი სათადარიგო ნაწილების და მასალების მარაგს. აღნიშნულში იგულისხმება: სამუხრუჭე ხუნდები, ფილტრების, ზეთები, ნათურები, ფრეონი, ანტიფრიზი, მშრალი რეზინები, ღვედები, დამჭიმები და სხვა მისი მსგავსი.

2.8 სერვისცენტრ(ებ)ი უზრუნველყოფილი უნდა იყოს, სხვა სივრცეებისგან დამოუკიდებელი სივრცით, რომელიც განკუთვნილი იქნება შემსყიდველის წარმომადგენლის მოსადგელად, ავტომანქანის შეკეთების პერიოდში. აღნიშნული სივრცე უნდა იყოს კომფორტული.

2.9 პრეტენდენტმა შემსყიდველს უნდა გამოუყოს კორპორატიული მენეჯერი, რომლის ფუნქცია-მოვალეობაში უნდა შედიოდეს შემსყიდველისთვის რიგის ორგანიზება და ავტომომსახურებისთვის საჭირო თანმდევი დოკუმენტაციის გაფორმების უზრუნველყოფა.

2.10 ხელშეკრულების მოქმედების პერიოდში, პრეისკურანტში ავტოსატრანსპორტო საშუალების ტექნიკური მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას დგინდება შემსყიდველი ორგანიზაციისა და მიმწოდებლის შეთანხმებით, საბაზრო ფასის გათვალისწინებით. ასეთ შემთხვევაში პრეისკურანტში ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

2.11 ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.

2.12 ყველაზე დაბალი ფასის წინადადების მქონე პრეტენდენტის მიერ წარმოდგენილ პირვანდელ და საბოლოო ფასებს შორის სხვაობა სატენდერო კომისიის მიერ გამოანგარიშდება პროცენტულად, რომლის მიხედვითაც დაევალება პრეტენდენტს წარმოადგინოს კორექტირებული დანართი №1 (პრეისკურანტი) ზემოაღნიშნული პროცენტული მაჩვენებლის კლების მიხედვით, პროპორციულად თითოეული საქონელისა და მომსახურებისთვის.

ტენდერში გამარჯვებულ პრეტენდენტთან ხელშეკრულება გაფორმდება - 15000 (თხუთმეტიათასი) ლარზე.

პრეისკურანტის სავარაუდო ღირებულებაა - 100 560 (ასიათას ხუთას სამოცი) ლარი.

დაფინანსების წყარო: 2017 წლის სახელმწიფო ბიუჯეტი.

3. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

სატენდერო კომისიის აპარატის წევრი:

ოთარ პეტრიაშვილი, ტელ: 228-25-63, opetriashvili@nsc.gov.ge

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

პრეტენდენტის ხელმოწერა_____

და ბეჭედი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად

გამარტივებული ელექტრონული ტენდერი SPA.....

ერთის მხრივ, საქართველოს ეროვნული უშიშროების საბჭოს აპარატი, წარმოდგენილი მისი საფინანსო-სამეურნეო დეპარტამენტის დირექტორის ალექსანდრე მირიანაშვილის სახით (შემდგომში შემსყიდველი)

მისამართი: ქ. თბილისი, აბდუშელიშვილის ქუჩა N1

საიდენტიფიკაციო კოდი: 203851377

და მეორეს მხრივ,

მისამართი: საიდენტიფიკაციო კოდი:

საბანკო რეკვიზიტები:

ვთანხმდებით შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების შემდეგ, თუ ხელშეკრულებით სხვა რამ არ არის გათვალისწინებული.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.5. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

მუხლი 2. ხელშეკრულების საგანი

საქართველოს ეროვნული უშიშროების საბჭოს აპარატის 2017 წლის სახელმწიფო ბიუჯეტით დამტკიცებული ასიგნებების ფარგლებში საქართველოს ეროვნული უშიშროების საბჭოს აპარატის ბალანსზე რიცხული ავტომატური შეკეთებისა და ტექნიკური მომსახურების შესყიდვა დანართი №1-ის (პრეისკურანტი) და სატენდერო დოკუმენტაციის ტექნიკური დავალების შესაბამისად (CPV-50112000).

მუხლი 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ლარს.
- 3.2. ხელშეკრულების ღირებულება შეიცავს მიმწოდებლის მიერ შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით დადგენილ გადასახადებს.

მუხლი 4. მომსახურების გაწევის ვადები და ადგილი

- 4.1 მიმწოდებელმა წინამდებარე ხელშეკრულებით გათვალისწინებული საქართველოს ეროვნული უშიშროების საბჭოს აპარატის ბალანსზე რიცხული ავტომატური შეკეთება და ტექნიკური მომსახურება უნდა განახორციელოს ხელშეკრულების ძალაში შესვლიდან 2017 წლის 31 დეკემბრის ჩათვლით.
- 4.2 მომსახურების გაწევა უნდა განხორციელდეს სატენდერო დოკუმენტაციის ტექნიკური დავალების შესაბამისად, რომელიც წარმოადგენს ხელშეკრულების განუყოფელ ნაწილს.

მუხლი 5. მომსახურების ხარისხი და გარანტია

- 5.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი და შეესაბამება შემსყიდველის მოთხოვნებს.

მუხლი 6. ხელშეკრულების შესრულების კონტროლი

6.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განხორციელოს მიმწოდებლის მიერ ხელშეკრულებით ნაკისრი ვალდებულებების შესრულებისა და ხარისხის კონტროლი (ინსპექტირება).

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

7.1. ხელშეკრულებით გათვალისწინებული შესყიდვის ობიექტის მიღება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

მუხლი 8. ანგარიშსწორება

8.1 ანგარიშსწორება მიმწოდებელთან განხორციელდება ეტაპობრივად, ფაქტიურად გაწეული მომსახურების შესაბამისად, შესაბამისი ფინანსური დოკუმენტაციის წარმოდგენიდან და მიღება-ჩაბარების აქტის ხელმოწერიდან არაუგვიანეს 10 (ათი) სამუშაო დღის განმავლობაში;

8.2 ანგარიშსწორება განხორციელდება უნაღდო ანგარიშსწორების ფორმით.

8.3 ანგარიშსწორება განხორციელდება ლარებში.

8.4 საავანსო ანგარიშსწორება არ გამოიყენება.

მუხლი 9. ფორს-მაჟორი

9.1 ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

9.2 ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 10. მხარეთა უფლება-მოვალეობები.

10.1 შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული საქონელი;

10.2 შემსყიდველი ვალდებულია გადაუხადოს მიმწოდებელს ხელშეკრულების ღირებულება ხელშეკრულებით გათვალისწინებული პირობების შესაბამისად;

10.3 მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული საქონელი;

მუხლი 11. მხარეთა პასუხისმგებლობა ხელშეკრულების პირობების შეუსრულებლობისათვის

11.1 მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;

11.2 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით;

11.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს მიმწოდებელს დააკისროს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

მუხლი 12. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს ჩათვლით.

მუხლი 13. ხელშეკრულებაში ცვლილებების შეტანა და ხელშეკრულების შეწყვეტა

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ჩაითვლება ხელშეკრულების განუყოფელ ნაწილად.

13.2 ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5 თითოეული მხარე ვალდებულია 13.4 პუნქტით გათვალისწინებული გადაწყვეტილების მიღების განზრახვის შესახებ არანაკლებ 2 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

13.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 14. დავათა განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 15. დამატებითი პირობები

15.1 არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

ალექსანდრე მირიანაშვილი

საფინანსო-სამეურნეო
დეპარტამენტის დირექტორი